

209*

Uno oficial a le Cazude.

Sier Piero Marzelo <i>el grando</i> , qu. sier Benedeto	228.738
Sier Piero Falier, fo a le raxon vechie, qu. sier Bortolo, ducati 300 e il don	555.419
Sier Alexandro Pixani, fo provedador di comun, qu. sier Marin	344.625
† Sier Lunardo Zustignan, fo soracomito, qu. sier Unfrè, ducati 500 e il don	621.350

Uno Provedador di Comun.

Sier Marco Malipiero qu. sier Perazo	301.655
Non. Sier Bortolo da Canal, fo auditor nuovo, qu. sier Giacomo	
Sier Sebastian Falier qu. sier Thomaso, ducati 400 e il don	446.512
† Sier Zacharia di Prioli qu. sier Alvise, ducati 400 e il don	640.325

Uno Sopra consolo.

Sier Piero Bembo, el Cao di XL, qu. sier Giacomo	432.540
Non. Sier Domenego da Molin, fo castelan a Napoli di Romania, qu. sier Antonio	
Sier Nicolò Querini, el XL zivil, di sier Carlo	521.460
Sier Zuan Alvise Dolfin, fo Cao di XL, qu. sier Andrea	575.416

Uno Avochato per li officii in Rialto.

† Sier Lorenzo da cha' Tajapiera, fo a la doana di mar, qu. sier Nicolò, impresta ducati 150 et dona il don, et dona ducati 50 di l'imprestado di sier Bernardin so' fradelo, lui presente	605.363
Sier Zuan Francesco Pizamano qu. sier Alvise, fo avochato grando, ducati 100 e il don, e dona 50	423.555
Sier Julio Donado, fo a la taola de l'entrada, de sier Thomado, ducati 200 e il don	416.561
Sier Antonio Barbo di sier Benedeto, ducati 200 e il don	550.424

Uno dil Consejo di Pregadi.

Sier Marin Sanudo <i>el grando</i> , qu. sier Lunardo, ducati 400 e il don	432.525
Sier Hironimo Barbarigo, fo camerlengo di comun, qu. sier Andrea, fo dil Serenissimo, ducati 200 e il don	565.403
† Sier Francesco Querini, fo retor a la Cania, qu. sier Hironimo, ducati 200 e il don	594.309
Sier Alvise da Canal, fo provedador sopra i officii et le cosse dil regno di Cipro, qu. sier Giacomo	330.658

Noto. Fo mio piezo sier Hironimo Sanudo di sier Antonio, di Pregadi.

A di 7 dito. Li Cai di X steleno longamente in 210 Colegio. Vene *etiam* domino Mercurio Bua. Dimanda asa' cosse: esser capo di la stratotia, vol 100 homeni d'arme in biancho, over 500 cavali lizieri, et danari etc.

Di Padoa, di sier Almorò Donado podestà et sier Hironimo da cha' da Pexaro capitano. *Ha avisi di Bortolomio di Marsilio capitano dil devedo, da Cologna.* Come el signor Troylo Pignatello era lì, scaramuzava con i nimici ussiti di Verona; siehè non è vero sia stà preso.

Di Este, di sier Zuan Paulo Gradenigo provedador zeneral, di eri, hore 18. Come, a hore 22 si partiva et tornava a Porto a la liziera a sopraveder. Scrive il suo zonzer lì a Este fo perchè tutte le zente lo lassò solo a Porto, *solum* con 24 cavali etc.

Noto. Di l'hordine di la Signoria con i Cai di X, fo scritto a Padoa e Treviso, fazino venir zoso tutti li mandati a le volte per suspeto, et erano assa' andati a loro ville e in Padoa. E cussì feno venir.

Da Constantinopoli, di sier Nicolò Zustinian baylo, di 27 Mazo. Come el Signor partiva a di 10 Zugno per andar su la Natolia contra il Sophi, et li do bassà fo ditoli esserli stà tajà la testa, erano stà reposti in grado, *videlicet* uno al governo di Andernopoli, l'altro restava a Constantinopoli in locho del Signor. *Item*, dil bilarbei di l'Anatolia era asediato in quel castelo da le zente dil Sophi, par fuzisse una note e se ritrase, *ita* che con il suo esercito si ha ritrato sul paese dil Turco. Il Sophi era in Tauris, et par habi fato paxe e liga con el signor Soldan; *unde* per questo, el Signor turco mandava uno solenissimo ambador al Soldan con presenti,